

新纂云南通志

第九  
函十冊



新纂雲南通志卷一百二十三目錄

庶政考三

鄉飲

明

清

孝廉方正

新纂雲南通志卷一百二十三

庶政考三

鄉飲

鄉飲酒禮詳於周制鄉大夫三年一舉黨正一年一舉鄉大夫之職三年則大比考其德行道藝而興賢者能者鄉老及鄉大夫帥其吏與其衆寡以禮禮賓之凡以教民使之尙賢尊長也歷漢晉北魏隋唐宋明清諸朝均大誥天下舉行典甚盛也滇於明清兩代各府廳州縣奉行者多被舉者亦大有人在今敍鄉飲故託始於此

明

洪武五年詔天下行鄉飲酒之禮初詔中書省詳定鄉飲酒禮條式使民歲時燕會習禮讀律期於申明朝廷之法敦敍長幼之節每歲

於孟春正月孟冬十月有司與學官率士大夫之老者行於學校遂

爲定制

明會典

洪武十六年詔頒鄉飲酒禮圖式一各府州縣每歲正月十五日十月初一日于儒學行鄉飲酒禮酒肴于官錢約量支辦務要豐儉得

宜

明會典

洪武十八年大誥天下鄉飲酒禮敍長幼論賢否異罪人違者全家

移出化外

明會典

洪武二十二年重頒鄉飲酒圖式凡良民中年高有德無公私過犯者自爲一席坐上等有因戶役差稅遲誤及犯公杖私笞招犯在官者又爲一席序坐中門外其曾犯姦盜詐僞說事過錢起滅詞訟蠹政害民排陷官長及一應私杖徒流重罪者又爲一席序坐東門內

執壺供事各用本等之家子弟務要分別三等坐次善惡不許混淆所行儀注並依原頒定式如有不遵圖序坐及有過之人亦行赴飲者即以違制論主府知府州知州縣知縣如無正官佐貳官代位於東南大賓以致仕官爲之位於西北僎賓擇鄉里年高有德之人位於東北介以次長位於西南三賓以賓之次者爲之位於賓主介僎之後司正以教職爲之主揚解以罰贊禮者以老成生員爲之明會典弘治十七年題准今後但遇鄉飲酒延訪年高有德爲衆所推服者爲賓其次爲介如本縣有以禮致仕官員主席請以爲僎不許視爲虛文以致貴賤混淆賢否無別如違該府具呈巡按御史徑自提問

依律治罪

明會典

清

順治初令京府及直省府州縣每歲舉行鄉飲酒禮設賓僎介主酒席於存留錢糧內支辦凡以申明朝廷之法敦序長幼之節遂爲定

制

清會典

順治二年順天府詳查鄉飲酒禮舊制移送禮部題請施行嗣後每

歲由順天府題明

清會典

康熙元年令奉天府州縣行鄉飲酒禮

清會典

康熙四年令錦州府州縣行鄉飲酒禮

清會典

凡鄉飲酒儀注京府及直省府州縣每歲正月十五日十月初一日於儒學行鄉飲酒禮前一日執事者於儒學之講堂依圖陳設坐次司正率執事習禮至日黎明執事者宰牲具饌主席及僚屬司正先詣學遣人速賓僎以下比至執事者先報曰賓至主席率僚屬出迎

於庠門之外以入主居東賓居西三讓三揖而後升堂東西相向立贊兩拜賓坐執事又報曰僎至主席又率僚屬出迎揖讓升堂拜坐如前儀賓僎介至既就位執事者唱司正揚觶執事者引司正由西階升詣堂中北向立執事者唱賓僎以下皆立唱揖司正揖賓僎以下皆揖執事者以觶酌酒授司正司正舉酒曰恭維朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆坐唱讀律令執事者舉律令案於堂之中引禮引讀律令者詣案前北向立唱賓僎以下皆立行揖禮如前讀畢復位執事者唱供饌案執事者舉饌案至賓前次僎次

介次主三賓以下各以次舉訖執事者唱獻賓主起席北面立執事  
斟酒以授主主受爵詣賓前置於席稍退贊兩拜賓答拜訖執事又  
斟酒以授主主受爵詣僕前置於席交拜如前儀畢主退復位執事  
者唱賓酬酒賓起僕從之執事者斟酒授賓賓受爵詣主前置於席  
稍退贊兩拜賓僕主交拜訖各就位坐執事者分左右立介三賓衆  
賓以下以次斟酒於席訖執事唱飲酒或三行或五行供湯又唱斟  
酒飲酒供湯三品畢執事者唱徹饌候徹饌案訖唱賓僕以下皆行  
禮僕主僚屬居東介三賓衆賓居西贊兩拜訖唱送賓以次下堂分  
東西行仍三揖出庠門而退

凡鄉飲酒禮序長幼論賢良別奸頑其坐席間高年有德者居上高  
年淳篤者並之以次序齒而列其有違條犯法者不許干於良善之

席違者罪以違制敢有喧嘩失禮者揚解者以禮責之

主府知府州知州縣知縣如無正官佐貳官代位於東南

大賓以致仕官爲之位於西北

僎賓擇鄉里年高有德之人位於東北

介以次長位於西南

三賓以賓之次者爲之位於賓主介之僎後除賓僎外衆賓序齒列坐其僚屬則序爵

司正以教職爲之主揚解以罰

贊禮者以老成生員爲之

古今圖書集成

# 鄉飲酒禮圖

賓

揚 觶 位

大

賓

司

介

屬

衆

贊

讀 律 令 位

少

東階

西階

乾隆十八年禮部題爲請嚴鄉飲報部之例以重大典事定例內載京府各直省府州縣每歲正月十五日十月初一日舉行二次地方官舉報紳士耆老務齒德兼優者分爲大賓僎介以及衆賓等語查雍正元年順天府題請舉行鄉飲奉諭旨鄉飲酒禮乃養老尊賢之古制近聞年久視爲具文所備筵宴亦甚不堪既係舊典理應加謹舉行欽此欽遵在案又乾隆二年覆河南按察司隋人鵬奏鄉飲之典重則賓僎得人方可以示觀感而興教化若地方官徇情濫舉固屬不職乃亦有實係齒德兼優之人而不肖之徒設計需索以致人皆視爲畏途而地方官亦多瞻顧每不舉行致曠大典應通行嚴飭亦在案今布政司張若震奏稱各省舉行不一有一歲舉行二次有舉一次有舉大賓介賓耆賓各一人者有舉大賓一人僎賓二三人

者或徑以無人堪舉頻年闕略或州縣官舉報督撫或止報藩司等語查介賓之數在儀禮則有大賓介賓衆賓及遵禮記亦稱設僎以輔主儀禮之遵即禮記之僎也在學政全書所載鄉飲酒圖則有大賓介賓與僎一賓二賓三賓衆賓與一僎二僎三僎考古稽今並無耆賓之名應令各省地方官遴選年高德劭者敦請一人爲大賓士人中舉一人爲介賓耆庶中舉一人爲衆賓至僎之爲儀乃諸公大夫之居鄉者來助主人以樂賓儀禮注亦稱或有或無或來或不來是僎本非常數有則備無則缺可也至所舉之人該地方官務須訪查得實詳報督府核定舉行仍先分別賓僎介等先期造姓名籍貫清冊送部存案查核 乾隆十九年禮部准會典館進呈鄉飲酒禮則例內開各省舉行鄉飲事不畫一旦竟有頻年缺略不舉致曠大

典者應令各省督撫轉飭所屬府州縣每歲遵照定例於正月十月舉行二次其賓介之數據會典所載鄉飲酒圖有大賓介賓一賓二賓衆賓大僎二僎三僎之名按儀禮賓若有遵者諸公大夫則既一人舉觶乃入注言今文遵爲僎又曰此鄉之人仕至大夫者來助主人樂賓主人所榮而遵法者也或有無來不來用時事耳又曰不干主人正禮也謂之賓者同從外來耳大國有孤四命謂之公又疏言一人舉觶爲旅酬始乃入即是作樂前入又戴記坐僎於東北以輔主人所謂席於東北助主人樂賓者也其言主人親速賓及介而衆賓從之至於門外主人拜賓及介而衆賓自入三揖至於階三讓以賓升拜至獻酬辭讓之義繁及介賓矣至於衆賓升受坐祭卒飲不酢而降皆無一言及僎者所謂不干主人正禮者也嗣後應令順天

府及直省府州縣先期訪紳士之年高德劭者一人爲大賓次爲介  
又次爲衆由州縣詳報府尹督撫核定舉行其本地有仕至顯宦偶  
居鄉里願來觀禮者依古禮坐於東北順天府及直省會城一品席  
南向二三品席西向各府州縣三品以上席南向四五品席西向無  
則闕之不立一僎二僎三僎之名不入舉報之內仍將所舉賓介造  
具姓名籍貫清冊送部存案倘鄉飲後有過犯按所犯輕重詳報褫  
革咨部除名並將原舉之官議處

臨安府志

案雲南各府廳州縣於明清兩朝率多遵令舉行有一歲兩舉者  
有一歲一舉者又有數歲始一舉者其制有舉大賓一介賓二衆  
賓三四者又有僅舉大賓介賓者辦理殊不一致大抵時當隆盛  
地方官得人則敬慎將事典禮隆重洵足以示觀感而興教化降

至末世地方官視爲具文或徇情濫舉或竟不舉行而地方豪富者流甚或夤緣奔競以希榮名而養老尊賢之大典遂不堪問矣此亦世運升降之大較也各地方所舉人數繁多已分載各府廳州縣志茲不備載

### 孝廉方正

雍正元年詔舉孝廉方正先是康熙六十一年詔各直省每府州縣衛各舉孝廉方正暫賜以六品頂戴榮身以備召用至是奉諭國家敦勵風俗首賢良前所頒恩詔內有舉孝廉方正一條距今數月未有疏聞豈通都大邑之中海澨山陬之遠遂無潛修砥操克稱俊乂可應詔旨者與誠恐有司怠於採訪雖有端方之品無由上達殊負朕殷殷延攬之至意着各直省督撫速遵前詔確訪舉奏

清朝文獻通考

又咸豐元年恩詔每府州縣衛各舉孝廉方正暫賜六品頂戴榮身

以備召用務期採訪真確勿得濫舉

續雲南通志稿

案同治元年光緒元年宣統元年均奉恩詔確訪舉奏

茲將歷朝舉奏孝廉方正人名列後

雍正元年

施猶橋

昆明人廩生官吏目

曾 易

臨安人廩生官知縣

孫國屏

建水人廩生官訓導

劉襄治

楚雄人

吳懋才

昆明人

劉 淵

元江人歲貢官訓導

唐慶曾

晉寧人

董 玘

通海人進士

鄒傳孟

河陽人

李居恆

河陽人

徐振起

宜良人

馬吉安

宜良人

乾隆元年

陳萬里

昆明人貢生

李九標

江川人舉人

方文英

陸涼人舉人

胡興基

昆明人

李阜登

新興人  
副榜

許中選

河陽人

李士楷

南寧人  
貢生

趙繼松

楚雄人  
舉人

李苾

太和人  
拔貢

楊纘志

太和人

趙璟

彌勒人

張九聰

廣西人

嘉慶元年

倪士元

昆明人  
貢生

羅觀恩

石屏人

闕莊

通海人  
生員

董曦

蒙自人

謝綸杏

河陽人

楊步蟾

路南人

張永芳

江川人

嚴誠

廣南人  
拔貢

楊元槩

鶴慶人  
拔貢

楊慄

琅井人

郭倜

新興人

道光元年

錢嘉棗

昆明人  
增生

董蓆

富民人  
增生

李時選

宣威人  
增生

黃爾泰

江川人  
監生

聶熙瑞

昭通人  
廩生

孔傳書

通海人  
監生